

MONTJOVET

Dé ou cou vièn lo non Vatican ?

Un coou ire, lo Vatican ire lo non dé un cretchón dé Roma, qué ché trouae désù la riva dretta dou *Tevere*, fran davàn lo Tchan dé Mars é a dretta dou *Gianicolo*.

Ou ire un poht malsàn é umidido, ou y iron dé tchan vaco qué ché prehtaon bièn pé lardjéi vatche.

Apréi, *Agrippina* l'a fet dé djardìn désù li preméire piantche da créhta é co l'impératour Nérón l'a fet bahtì un piquiò tchirco privà. Proppe la l'an ihtà amasà li preméi martir crihquiàn (intre lour co l'apotre Pièrè l'at ihtà intèrà fran la).

Dé adón lo cretchón a l'ét vignì un sumitire pé lé mé crihquiàn lé crihquiàn, tanque can Costantìn, a partì dou 326 tanque ou 333 apréi Jézù Cri, l'at dounà odre dé fare ahpianéi lo sondjón dou col é l'a fet bahtì la preméira iguije dédià a sèn Pièrè.

A l'ét mae a partì dou 1870 qué lo Vatican a l'ét la rézidénsa dou sèn Pare : ou Mouayèn Adjo ou ihtae ou palas dou Latéràn, apréi l'at trama-che didèn d'atre palas romàn, comme sout dou *Quirinale*, ou qué orra ou ihte lo prézidàn da répubblica.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Tiré de : www.focus.it, joun 2002

Texte publié en 2008 sur « La péra Hcrita » - Commune de Montjovet

Collaborateur de Montjovet pour la traduction : Franca Culaz

La transcription a été soignée par le Guichet Linguistique

Mise à jour de la graphie : octobre 2013